

通鑑地理通釋



通鑑地理通釋



通鑒地理通釋 全六冊

宋·王應麟

江蘇廣陵古籍刻印社

出版
印刷

揚州古籍書店發行

定價九十五元

通鑑地理通釋卷第十三

浚儀王應麟伯厚甫

晉宋齊梁陳形勢攷

東南地非褊也兵非弱也有人焉進取而有餘無人焉自保而不足詩曰無競維人作晉宋齊梁陳形勢考

晉重鎮

通典元帝命祖逖鎮雍丘以合肥淮陰壽陽泗口角城爲重鎮成帝時鄮守將退屯襄陽穆帝時平蜀漢復梁益之地又遣軍西入關至霸上再北伐一至洛

陽一至枋頭其後以彭城爲北境藩扞每因劉石苻姚衰亂之際則進兵屯戍在於漢中襄陽彭城大抵上明江陵夏口武昌合肥壽陽淮陰常爲晉氏鎮守
雍正

晉屬陳留古雍國杞國今屬開封府郡縣志故城北臨

汴河祖逖爲豫州刺史治於此

合肥 壽陽 襄陽 見前

載若思鎮合肥祖約謝尚鎮壽陽庾翼朱敘鎮襄

陽通典壽春郡西十五里卽謝玄破苻融之處胡氏

曰六朝增重上流庾亮欲經略中原則先分戍漢沔宋太祖欲伐魏則先廣襄陽資力故晉何充謂

荆楚國之西門

馬頭城

通典晉永和中謝尚鎮馬頭城卽壽州盛唐縣北

郡縣志縣北二十里今安豐軍六安縣輿地廣記在六安縣北宋志馬頭太守屬南豫州故淮南當塗縣地晉安帝立因山形立名

淮陰

祖逖屯淮陰通典劉隗鎮守今楚州縣南齊志永

和中荀羨云淮陰舊鎮地形都要水陸交通易以

觀釁沃野有開殖之利方舟運漕無他屯阻乃營

立城池

寰宇記故淮陰縣城在山陽縣本朝陳敏曰楚州爲南北

襟喉長淮二千餘里河道通北方者五淮汴渦潁
蔡是也其通南方以入江者唯楚州運河一處周
世宗自北神堰鑿老鵲河通戰艦入大江而唐遂
失淮南之地徐宗偃曰山陽南北必爭之地我得
之可以控制山東

清河口去州五十里紹興初韓世忠屯重兵

石鼃

通典石鼃城在楚州寶應縣西八十里魏鄧艾築
以營田晉荀羨鎮下邳屯田于東陽之石鼃北齊
蘇珍芝又議修石鼃等屯

泗口

通典泗州宿遷縣

郡縣志淮水入縣境南與楚州山陽縣分中流為界晉大

寧中兗州刺史劉遐自彭城退屯泗口即此

褚裒伐趙

直指泗口徑赴彭城殷浩進屯泗口謝玄救彭城軍于泗口

水經淮水東北至

下邳淮陰縣西泗水從西北來流注之注淮泗之

會即角城也左右兩川翼夾二水決入之所謂泗

口也

泗水又東南得睢水口泗水又逕宿預城之西梁將張惠紹北入水軍所次今城在泗水

之中輿地廣記宿遷縣秦下相縣地晉元帝督運軍儲以為邸閣因置宿豫縣唐改宿遷宋朝太平

興國七年屬淮陽軍胡文定公曰欲固下流必守淮泗

口塞吳鑲道條侯從其策都尉曰使輕兵絕淮泗縣至宿遷縣入淮演繁露曰泗即今謂南清河也

禹貢廣記曰今盱眙軍相對即泗口也自清河口而上者呂梁自潁口而上者

蔡河

角城

水經注泗水又東逕角城北濟水與泗水東南流

至角城同入淮通典安帝義熙中置城在宿遷縣

東南寰宇記在淮陽軍宿遷縣東南一百十里臨泗水南近淮水自後

常爲重鎮輿地廣記泗州盱眙縣晉安帝時置角

城鎮在淮泗之會後魏高閭曰角城處在淮北去

淮陽十八里五圍之役攻圍歷時卒不能克宋志

淮陽角城縣晉義熙中立齊明帝初後魏南侵以李安仁戍之

鄼

晉志武帝改南陽爲順陽郡治鄧縣故城在光化軍乾德縣東北水經注鄧縣故城南臨沔水謂之

鄧頭

漢封蕭何爲侯國

彭城

徐州晉爲彭城國通典晉立徐州爲重鎮朱敘鎮

守宋王玄謨曰彭城南屆大淮左右清汴

魏薛虎子曰徐

州清汴通流

表裏京甸捍接邊境城隍峻整襟衛周固

又自淮以西襄陽以北經塗三千達于濟岱六州

之人二十萬戶常得安全實由此鎮輿地志郡城

險固非攻所能拔郡縣志宋高祖經略中原置府

沌口

於此自隋氏鑿汴以來南控通橋以扼汴路故其
 鎮尤重宋志徐州刺史後漢治邳縣魏晉宋治彭
 城元魏尉元曰彭城宋之要藩宋薛安都舉城降
 魏薛虎子曰欲取江東先須積穀彭城蘇氏曰魏
 太武以三
 十萬眾攻彭城不能下而王智興以卒伍庸材恣
 睢於徐朝廷亦不能討豈非其地形便利人卒勇
 悍故耶後山陳氏曰南守則略河南山東北守則
 瞰淮江故於兵家為守攻之地項氏常都臨制四
 方宋武常守并護南北林氏曰晉悼
 公始圍彭城繼城虎牢識天下之勢

水經注沌水上承新陽縣之太白湖東南流為沌
 水逕縣南注于江謂之沌口

竟陵郡新陽
 縣分雲杜立晉永嘉

六年陶侃爲荊州鎮此明年徙林鄣沔水又東逕
沔陽縣北又東逕林鄣故城北陶侃鎮此郡縣志
晉於臨嶂山置沔陽縣江夏郡自上游城移治今漢陽軍漢
陽縣有沔水通典音屯又音篆東晉置沔陽縣處沔水之
陽漢陽縣有沔口港沔口鎮王澄棄荊州別駕郭舒不肯從澄東下乃留屯沔口陶侃爲荊州刺史鎮沔口又移入沔江陳侯安都討王琳至沔口後梁華皎與吳明徹戰于沔口皆此地臨嶂山在
漢陽縣西六十里陸務觀曰江陵之建寧鎮蓋沔口也當攷

上明

郡縣志上明故城亦謂桓城在江陵府松滋縣西
一里居上明之地而桓沖所築故兼二名苻堅南

侵沖爲荊州刺史渡江南上明築城以禦之上明
在縣東三十步明猶渠也晉末朱齡石開三明引
江水以灌稻田後隄壞遂廢水經江水東逕上明
城北注云晉太元中苻堅寇荊州桓沖徙渡江南
使劉波築之移州治城其地夷敞北據大江晉志
元帝渡江後以河東人南寓者於漢武陵郡孱陵
縣界上明地僑立河東郡桓沖傳上疏曰自中興
以來荊州所鎮隨宜迴轉今宜全重江南輕戍江
北於是移鎮上明

江陵

夏口

武昌

見前

石城

羊祜傳吳石城守去襄陽七百餘里祜以詭計令

吳罷守祜以孟獻營虎牢而鄭人懼晏弱城東陽

而萊子服乃進據險要開建五城收膏腴之地石

城以西盡爲晉有郡縣志郢州長壽縣城本古之

石城背山臨漢水吳於此置牙門戍城羊祜鎮荆

州亦置戍焉卽今州治是也

郢州西北至襄州三百十里

水經

注沔水南逕石城西城因山爲固晉羊祜鎮荊州

立元康元年分江夏西部置竟陵郡治此庾亮欲

移鎮石城爲滅賊之漸蔡謨議曰河水之險不及
大江非廟勝之算亮不果移鎮終晉之世卒於宴
安江左而不能混
一中郢州子城三面墉基皆天造正西絕壁下臨
漢江石城之名本此

灞上

郡縣志白鹿原在京兆府萬年縣東二十里亦謂

之霸上

漢文帝霸陵王仲宣詩曰
南登霸陵岸迴首望長安

洛陽

見前

郡縣志故洛陽城在洛陽縣東二十里按華延儔
洛陽記云洛陽城東西七里南北九里洛陽城內

宮殿臺觀府藏寺舍凡有一萬一千二百一十九
所自劉曜入洛元帝渡江官署里閭鞠爲茂草後
魏孝文太和十七年幸洛陽巡故宮遂詠黍離之
詩爲之流涕經始洛京十九年新都始立隋煬帝
詔營東京大業元年新都成

枋頭

通典淇水出共山東至衛州今濬州衛縣界入河謂

之淇水口漢建安九年曹公於水口下大枋木以
成堰遏淇水東入白溝以通漕運時人號其處爲

枋頭晉桓溫敗於枋頭卽此郡縣志枋頭故城在衛縣東一里水

經注盧諶征艱賦曰後背洪枋巨堰深渠高隄魏

武

開白溝因宿胥故瀆蒲洪歸枋頭遣使來降十六國春秋晉

慕容垂至枋頭拒之謝尚使戴施據枋頭寰宇記

後魏移汲郡治此

枋頭城在衛縣南去河八里南對酸棗棘津載記

苻堅自鄴如枋頭改枋頭爲永昌縣

大司馬溫之滅蜀太尉裕之伐南燕平後秦三事

差強人意然是二人者功存攻拓志在篡君

宋重鎮